



Bosnia and Herzegovina
Federation of Bosnia and Herzegovina

CANTON SARAJEVO
Professional Office for Common affairs

Broj: 17-11-22078-14

Datum: 21.07.2020. godine

Na osnovu člana 100. stav (3) Zakona o javnim nabavkama („Službeni glasnik BiH“ broj 39/14), a u vezi sa članom 6. Uredbe o osnivanju Stručne službe za zajedničke poslove Kantona Sarajevo („Sl. novine Kantona Sarajevo“ broj 5/06 – Prečišćeni tekst), u postupku rješavanja po žalbi žalitelja „Sword security“ d.o.o. izjavljenu na Odluku o izboru najpovoljnijeg ponuđača za ustupanje usluga fizičkog obezbjeđenja objekta "Trezora" u ul. Maršala Tita 62 broj: 17-11-22078-8 od 13.07.2020. godine, načelnik Stručne službe za zajedničke poslove Kantona Sarajevo, je donio

RJEŠENJE

o usvajanju žalbe i poništenju Odluke o izboru najpovoljnijeg ponuđača za ustupanje usluga fizičkog obezbjeđenja objekta "Trezora" u ul. Maršala Tita 62 broj: 17-11-22078-8 od 13.07.2020. godine

- I. **Usvaja se** žalba žalitelja Sword security d.o.o. Sarajevo, na Odluku o izboru najpovoljnijeg ponuđača za ustupanje usluga fizičkog obezbjeđenja objekta "Trezora" u ul. Maršala Tita 62 broj: 17-11-22078-8 od 13.07.2020. godine u konkurentskom postupku predmetne javne nabavke.
- II. **Poništava se** Odluka o izboru najpovoljnijeg ponuđača za ustupanje usluga fizičkog obezbjeđenja objekta "Trezora" u ul. Maršala Tita 62 broj: 17-11-22078-8 od 13.07.2020. godine u konkurentskom postupku predmetne javne nabavke.
- III. **Nalaže se** provođenje ponovljenog postupka E-aukcije posredstvom Agencije za javne nabavke BiH.
- IV. O naknadi advokatskih troškova donijeti će se posebno Rješenje.



web: <http://vlada.ks.gov.ba>
e-mail: sszp@sszp.ks.gov.ba
Tel: + 387 (0) 33 562-094,
Fax: + 387 (0) 33 562-220
Sarajevo, Reisa Džemaludina Čauševića 1



OBRAZLOŽENJE

Dana 20.07.2020. godine ovaj Ugovorni organ je putem pošte zaprimio žalbu ponuđača **SWORD SECURITY d.o.o. Sarajevo**, ul. Alipašina 83, Sarajevo, na Odluku o izboru najpovoljnijeg ponuđača broj: 17-11-22078-8 od 13.07.2020. godine u konkurentskom postupku javne nabavke ustupanja usluga fizičkog obezbjeđenja objekta "Trezora" u ul. Maršala Tita 62.

Prije nego što se upustio u meritorno odlučivanje po žalbi, ovaj organ je pristupio provjeri formalnih pretpostavki za ulaganje žalbe, koje moraju biti ispunjene na strani Žalitelja, kako bi se uopće pristupilo njenom rješavanju, a odnose se na dopuštenost, blagovremenost i izjavljenost od ovlaštene osobe, odnosno na pretpostavke propisane stavovima (1) i (2) člana 100. Zakona.

Ispitujući pravne pretpostavke za postupanje po predmetnoj žalbi, protiv postupka ugovornog organa u predmetnoj javnoj nabavci, ovaj organ utvrdio je da su udovoljene procesne pretpostavke za ulaganje žalbe, odnosno za postupanje po istoj, te da je žalba blagovremena, dopuštena i izjavljena od strane advokata Galibe Hrvaić-Karačić kao ovlaštene osobe za zastupanje ispred društva „Sword security“ d.o.o.

Žalitelj u žalbi navodi da je Ugovorni organ zakazao E-aukciju na portalu E-nabavke, a da je pri tome propustio označiti, odnosno primijeniti preferencijalni tretman domaćeg na ponudu Žalitelja, te da je zbog toga Žalitelju onemogućeno pravično učešće u postupku E-aukcije, iako je u ponudi uredno dostavio dokaz o uživanju preferencijalnog tretmana domaćeg na strani 99. Ponude, a na način kako je traženo tenderskom dokumentacijom.

Uvidom u Izvještaj o toku i završetku E-aukcije u predmetnom postupku, te uvidom u ponudu Žalitelja, utvrđeno je da je žalba u potpunosti osnovana.

Na osnovu navedenog, odlučeno je kao u dispozitivu, te naloženo ponavljanje E-aukcije posredstvom Agencije za javne nabavke BiH.

POUKA O PRAVNOM LIJEKU:

U skladu sa članom 100. stav (4) Zakona, protiv ovog Rješenja može se izjaviti žalba Uredu za razmatranje žalbi putem ugovornog organa, najkasnije u roku od 5 (pet) dana od dana prijema ovog Rješenja.



Dostaviti:

1. Ponuđačima
2. a/a



web: <http://vlada.ks.gov.ba>
e-mail: sszp@sszp.ks.gov.ba
Tel: + 387 (0) 33 562-094,
Fax: + 387 (0) 33 562-220
Sarajevo, Reisa Džemaludina Čauševića 1

